


Yesu Kristo ni nde? (Igice cya 1)

Bishingiye ku gice cya 4 cy'igitabo *Ni iki mu by'ukuri Bibiliya yigisha?* kiboneka ku rubuga rwa jw.org/rw.

INTEGO: Suzuma ibyo wizera n'impamvu ubyizera, usuzume icyo Bibiliya yigisha, maze urebe uko wasobanurira abandi ibyo wizera.



ESE YESU YARI UMUNTU MWIZA GUSA?

1 SUZUMA IMYIZERERE YAWE

Kuki hari abantu babihakana?

Kuki hari ababyemera?

Wowe wizera ko bimeze bite?

Kuki ari uko ubyemera?

Ni iby'ingenzi ko tumenya ukuri ku byerekeye Yesu.

(Reba igitabo *Icyo Bibiliya yigisha*, igice cya 4, paragarafu ya 1-3.)

Soma muri Yohana 17:3.

Dukurikije uyu murongo, 'kumenya' Yesu (na Se) bidufitiye akahe kamaro?

Soma muri Yohana 14:6.

Ese umuntu ashobora kuzabona ubuzima bw'iteka kandi atazi ukuri ku birebana na Yesu? Niba ari byo sobanura, kandi niba atari byo usobanure.



Nk'uko ibintu bigaragara ku ifoto bigufasha kumenya uyiraho uwo ari we, ni na ko ubuhanuzi butandukanye buri muri Bibiliya budufasha kumenya Mesiya uwo ari we

Yesu yoherejwe na Se hano ku isi kugira ngo abe Mesiya wari warasezeranyijwe. (Reba igitabo *Icyo Bibiliya yigisha*, igice cya 4, paragarafu ya 4-9.)

Soma muri Mika 5:2 no muri Matayo 2:1, 3-6.

Ni mu buhe buryo kuvuka kwa Yesu byashohoje ubuhanuzi bwavugaga uwari warasezeranyijwe?

Soma muri Matayo 3:16, 17 no muri Yohana 1:32-34.

Kuki Yohana Umubatiza yari yizeye adashidikanya ko Yesu yoherejwe n'Imana?

Ni iki kikwemeza ko Yesu ari we Mesiya wasezeranyijwe?

3

SOBANURIRA ABANDI IMYIZERERE YAWE

NIBA UMUNTU AKUBWIYE ATI...

Yesu ni umuntu mwiza gusa wigeze kubaho.

USHOBORA KUMUSUBIZA UTI...

Nanjye nemera ko Yesu yari umuntu mwiza. Ariko numva atari ibyo gusa, kubera ko...

Ni uwuhe murongo w'Ibyanditswe wasomera uwo muntu?

Ni mu buhe buryo wafasha uwo muntu gutekereza kuri uwo murongo, uzirikana uko abona ibintu?

NIBA UMUNTU AKUBWIYE ATI...

Yesu si we Mesiya wari warasezeranyijwe; gusa yagiye ashakisha uko yakora ibihuje n'ibyahanuwe kugira ngo atume abantu *bakeka* ko ari we.

USHOBORA KUMUSUBIZA UTI...

Abantu benshi bashobora kuba ari uko babyumva. Ariko iyo biba bimeze bityo, dore kimwe mu bintu atari gushobora kugira icyo akoraho...

Ni uwuhe murongo w'Ibyanditswe wasomera uwo muntu?

Ni mu buhe buryo wafasha uwo muntu gutekereza kuri uwo murongo, uzirikana uko abona ibintu?
